

SACRAE
AEDIS VALLERIANAE
 DESCRIPTIO, ET AVITI AC VENERABILIS
 COLLEGII
CANONICORVM
 SEDVNEN. ENCOMIVM.



Hic tibi turritam Diuini Pneumatis ædem
 Rupis in excelso vertice conspi cuam,
 Quam DEVS ipse manu fulcit, quam protegit idem
 Deucalion, ne se naufraga mergat aquis.
 Hic mons ille Thabor, quem Christus lumine vestit,
 Euoluens famulis cælica sensa piis.

Hic sacra membrorum compages Christi, et auitum
 Iustorum, haud vano nomine concilium.
 Huc mentem, huc oculos vestros conuertite, quotquot
 Passim mens dubios irrequieta rotat.
 Namq; unus DEVS, una Fides, Baptismatis una hic
 Sanctio, Christiadum spes, timor, unus amor.
 Hic iubar haud modij sub tegmine fulget, aperto
 Vultu ast Zacharidæ, vox sonat alta DEVM,
 Vnde ferox Babylon furijs succensa, Gigantum
 More domum, caueas ne populere. DEI
 Namq; sedet, statq; ipse poli terræq; Monarcha
 Pro Iustis, tolli nec sibi sacra sinit.

INCLIT AB

VALLESTIAE
IN SEPTEM CONVEN-
TVS PARTITIO, CVM
EORVNDEN INSI-
GNIVM ICONIBVS.




DIDITVR in septem Conuentus Terra VALESI.
Quilibet hos Fasces, et sua Signa refert,
SE: geminum sidus, SIR: Phœbum, LEV-
CA gryphumque.

Fert vites botro RAR: bicolore duas,
VESPIA sed binos arrecta fronte leones.
Fert BRIGA serpentem, GOMSIA fertque cruces,
Sed quid stella? Pæan? gryphus? quid vitis? et audax
Quid leo? quid serpens? cruxque gemella volunt?

CELEBERRIMAE VRBIS

SED VNENSI- VM CONVENTVS.



Quod lucifer caelo, id ego patrie.



LCIFER auroræ, occasus iubar HESPERVS,
omnes
Exsuperant ignes, æthereasque faces.
Et velut ille diem lucis dux præuius affert,
Sic faustè cœptum terminat iste diem:
Scilicet indigenis, cingit quos Rodanus alueo,
Consilij præfers, iustitiæque faces.
Quot radios spargit caelesti lucifer orbe,
Tot patriam laudum dotibus irradias,

SIRRENSIS CONVENTVS.



Soli cedunt tenebrae.



QVONAM Phœbe iacis radios? Sine fraude doloque
SIRRIADAS claro lumine clarus obis.
Nam velut exorti Titanos lumine, crassa
Nox abit, et tellus luce refusa nitet:
Sic splendore tuæ virtutis tabida noctis
Monstra intenderūt fraudque dolusque fugam.
Lucis amans gens es, noctem tenebrasque perola,
Lux es amica bonis, lux inimica malis.

LEVCENSIS CONVENTVS



Vir fortis alta mente præditus.



VID gryphe stas? Fortes mea virtus arguit. At cur
Parte priore aquila es, posteriore leo?
Polleo mente, valens idem sum corpore, namque
Virtus LEVCENSIS celsiùs ire nequit.
Illa aquilæ similis se tollit ad ardua, mente,
Ad Martem pectus forte leonis habet.
Cur ensẽ præfert? Etenim stant iura Senatus
Integra. Cur nudus? Promptus ad arma feror.
Hos animare tibi voluit Lysippus in ære
Robustosque toga, militiaque viros,

RARONIEN- SIVM CONVENTVS.



Concordia opum fecunda.



Vitae sese tollit per mutua nexa,
Altius illa quidem, quò mage iuncta
manet:
Sic quoq; ad immensum surgit Respublica
culmen,
Virtutum concors quam benè iungit amor.
Hoc mihi perpetuum, concordì vt pace virescam,
Publica res odijs nam malè facta, ruit.
Hinc quod ego à CHRISTO viua radice vigorem
Concipio, tantis vber abundo botris.

VII.

VESPIENSIS CONVENTVS.



Pro patria sedulo excubandum.

MAGNANIMOS cernis crispata fronte leones,
Quadrupedum prima nobilitate duces?
Ut vigili exacuunt prospectu lumina: nequa
Armorum clades exitiosa premat.
Pugnandum contra coniunctis viribus hostem,
Cunctaque mente prius prospicienda docent.
Quàm vigil excubijs, quàm concors pectore, promptus
Quàm fueris semper Martis ad arma manu.
Hoc tua non pridem virtus testata trophæo est
VESPIA, cum vidit corpora strato virum.

NATRENSIVM SIVE BRUGEN- SIVM CONVENTVS,



Virtus est fraudis nescia.



EV Parcæ parcunt, schola ut altrix otij, et amens
Quo sibi munditiem nomine mundus habet:
Hoc, quoq; iure refers NATRICIS nomen, anhela
Gens laudum, tua sed cætera vita docet.

Squalens est atro natrix, horrensq; veneno,
Mens tua sed niuea simplicitate nitet.
Copula naticum Veneris sic nexui inhæret,
Alter ut alterius præsecet ore caput.
Tu Venerem et Veneris prolem fugis, otia spernis,
Turpia et Alcinoi respuis illecebras.
Ergo tu Antiphrafi decoras Insignia, quæ cum
VIPERA dicaris, pectus habes niueum.